

AKTUAALO LAAVENNA ARO TŠEERIBI 2 -HANKIBA

- neevibosko liin 3 2/2019

Aktuaale saaki Laavenna aro tšeeribi 2 –hankiba

Tšiňko drabiboskiiro,

dauva hin Laavenna aro tšeeribosko 2-hankibosko tritto ta koni ħluutime neevibosko liin/lil. Aro dai lil ame rakkavaha kaalengo ternengo Mannako angouviboskiiro? fanibonna aro Tšarjako leen, ħlietako bekkos ta Iisalmesko fooros Boħlide samliba Mannako angouviboskiiro? –buttiako smittenna ta saare vaure hankibosko fanibonna laňhuna apo paň romani.fi/sanoistatekoihin. Liinesko/liljako ħluutiba tu laňheha dola komujengo naave koon tšerde butti aro hankiba.

Buttiako smitti aro triin stedos

Mannako angouviboskiiro? – fanibongo theemi sas kaale terne ta angouviba. Romano politikako programmos (ROMPO2) aanela naal hyöviba te butjaven kentengo ta ternengo aktiviteeti ta sar te len lengo lyija ħunnimeske. Kaalo ternenna laňhula nevo dikkibosko knuuti ta leen hin panna gliisosko stedos te rigaven positiivune džintako farabi naalal. Mannako angouviboskiiro? –fanibongo paaluno tenkiba hin aaňtas te samlaven ternengo ideaali ta pinsibi tšetanes angouvibossa ta panna te tiljaven lengo džinta lengo iega vojibonna te angouvaven sar individuaalo ta sar iek aro tšetiba.




Laavenna aro tšeeribi 2-hankiba?

Laavenna aro tšeeribi 2 hin sosiaalos- ta sastibosko ministeriosko koordime EU-louvime hankiba. Douva langħtila Laavenna aro tšeeribi 1 –hankibosko byrjime verkostokaano buttiako fendjiba. Hankibosko faatiba hin te fendjaven nevo romano politikako (ROMPO2) programosko ta kaalengo saakengo pinsiba thaanensa ta lokaalensa; kaalengo ternengo dielos liibenesko ta angouvibosko vojibongo fendjiba ta sigide hankibosko tiija byrjime it-veeribosko buttiako langħtiba. Hankiba tšeeraha tšetanes thaanengo kaalengo saakengo komitiensa ta lokaale kaalo aktivistensa.

Mannako angouviboskiiro? buttiako smitti stellade aro tritto ta startto tšoon 2019 aro triin stedosko phuu: Aro Tšarjako leen, aro ħlietako bekkos, aro Iisalmi. Aro buttiako smitti sas tšetanes 77 komuja, koonenna 40 sas 13–29 oldrako kaalengo terne. Aro Fanibosko stelliba sas lokaale organisaati ta kaalo aktivisti. Aro saaro buttiako smitti sas panna thaanengo kaalengo saakengo plaaneribongiire.

Fanibongo tšetano komuja sas Ternengo Akatemia, koonen sas džoralo pinsiba sar te stellaven dielos liibenengiirengo fanibi ternenge. Aro hilo planeeriba ta fäardiba sas terne angouvibongiire. Panna visuaalisko materiaalengo aanibossa sas professiako skoola Luovi.



AKTUAALO LAAVENNA ARO TŠEERIBI 2 -HANKIBA

- neevibosko liin 3 2/2019

Aro buttiako smitti angouviba sas tšalade aro ROMPO2:osko staavibosko linjenna džeenom sakko diivesko theemen, kai ħunjudiilo hispako liiben, sikjiba, butti liiben, lel dielos ta kulttuuresko spaariba. Theemensa tšerte butti aro beska gruppi aro pangħ buttiako punkti, kai naalal merknime rakkibi ta doolesko angouvibosko kanaale, džeenom Luovisko farabime beleħki. Gruppi velkade panna iek, leen koni butide tšalade theema aro langħto buttimeske. Aro dai theema fendjade alsibo so mote tenkaven te tšeeres, katta ħluutimes rakkadam tšetanes maħkar saare dielos liibenengiirensa.



Kaalengo tšimbako ta kulttuuresko spaariba hin fuortuno

Kaalengo terne tšerde drouves butti ħooljimes maħkar theemi. Angouvibosko maneri sas dielos liibenengiirenge partes pinsime ta koni baaride diiben sas bi sar te konkretivaa maħkar iega angouvibosko maneri ta sakko diivesko staaviba. Koni fendide theema aprudas – fani undrimies – kaalengo tšimbako ta –kulttuuresko spaariba, saaveha velkade te tšeeres butide butti aro saare triin buttiako smitti. Terne pinsade kulttuuresko hajibosko džoraliba horttas fuortunes.

Kaalengo kulttuuresko pinsiba kamne te fendjaven panna ħeerune komujengo maħkar. Kulttuuresko dikkibi ta

maaliba sas dikne aro Tšaarjako leen sar horttas fuortuno maneera ta angouvaven aro džinti, so tšalavena panna aro butti- ta hispako liiben. Aro ħlievako bekkos aprudas naal iego samlibosko stedesko hyöviba ta aro gruppi rakkade sar te laha iego kluppos. Aro Iisalmi rakkade it veerime ħaħtibosta ta mentarjata, katta vojula aaħhes buut hyöviba doolenge koon roodena pengo iego thaan elle butti.

Dielos liibenengiire hogade kaalengo ternen kurren it ħlaagime kharensa sar vaure terne, nm. professiako velkibossa. Iego stedosko laħħiba ta tšihkimeske aaviba tšalila saare ternen. Aro buttiako smitti sas endo dissimes džoralo passiba aro aavibosko tiija ta aro iega angouvibosko vojibi.





AKTUAALO LAAVENNA ARO TŠEERIBI 2 -HANKIBA

- neevibosko liin 3 2/2019

Aro buttiako smitti dikjam panna europavitika kaalengo ternengo bitšime helsibi Bulgariatta, Hollanjata, Kosovatta, Ungarjatta. Aro videos terne ħante apre positiivune džinta, drouviba ta tšetano buttiako fuortiba.

Tšarjako leenesko Mannako angouviboskiiro? –buttiako smittako striimaus vojuvaha te dikken aaħñime youtube linkata <https://www.youtube.com/watch?v=W3dPHz-Qbw&feature=youtu.be>

Neve liinesko farabi: Sanna Eskelinen (Luovi), Maikki Kantola, Sosiaalo- ta sastibosko ministerios



Tildžaanibi hankibosta

Henna Huttu, rakkibosko tšenstakiiri
henna.huttu(a)stm.fi
Puñ manna: Laavenna aro tšeeribi –hankiba,
romano politikako, romani saakengo rakkibosko
komiteos ta Rompo 2

Katja Vauhkonen, projektosko kordinatori
katja.vauhkonen(a)stm.fi
Puñ manna: Laavenna aro tšeeribi 2-hankiba, verkosko pañi
(romani.fi/) sanoista-tekoihin) ta hankibosko fanibi

Johanna Järvinen, dielosko ranniboskiiri
johanna.jarvinen(a)stm.fi / ronk(a)stm.fi
Puñ manna: romani saakengo rakkibosko komiteos,
ekonomis- ta džaabenosko falliba